

**ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ**

**ХАЛҚ ТАЪЛИМИ ТИЗИМИДАГИ МАКТАБДАН ТАШҚАРИ ТАЪЛИМ
САМАРАДОРЛИГИНИ ТУБДАН ОШИРИШ ЧОРА-ТАДБИРЛАРИ
ТЎҒРИСИДА**

Жисмонан соғлом, маънан етук, мустақил фикрлайдиган, чуқур билим ва замонавий дунёқарашга эга Ватанимизнинг тақдири ва келажаги учун масъулиятни ўз зиммасига олишга қодир бўлган баркамол ёш авлодни тарбиялаш ҳамда вояга етказиш учун мамлакатимизда кенг кўламли ишлар олиб борилмоқда.

Шу билан бирга, ёшлар таълим-тарбияси учун қўшимча шароитлар яратишга қаратилган комплекс чора-тадбирларни ўз ичига олган бешта ташаббусни амалиётга татбиқ этиш, республикамызда жадал суръатлар билан амалга оширилаётган ижтимоий-сиёсий, социал-иқтисодий ва бошқа соҳалардаги ислохотлар улғайиб келаётган ўспирин иқтидорини янада ривожлантириш, юқори малакали кадрларни тайёрлаш, юрт равнақи йўлида уларнинг фаол иштирокини таъминлашни бугунги куннинг устувор вазифаларидан бири этиб белгиламоқда.

Халқ таълими тизимидаги мактабдан ташқари таълим самарадорлигини янада ошириш, ўқувчи ёшларда юксак маънавий фазилатларни камол топтириш, уларнинг бўш вақтларини мазмунли ташкил этиш, касб-хунарга йўналтириш орқали мустақил ҳаётга тайёрлаш, интеллектуал баркамол авлодни тарбиялаш мақсадида, шунингдек, Ўзбекистон Республикаси Президентининг 2018 йил 5 сентябрдаги «Халқ таълими тизимида бошқарувнинг янги тамойилларини жорий этиш чора-тадбирлари тўғрисида»ги ПҚ-3931-сон қарорига мувофиқ:

1. Ўзбекистон Республикаси Халқ таълими вазирлиги, Молия вазирлиги, Туризмни ривожлантириш давлат қўмитаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг:

Ўзбекистон Республикаси Халқ таълими вазирлиги тасарруфидаги техник ижодиёт, бадиий ижодиёт, ўлкашунослик ва экология бўйича «Баркамол авлод» республика болалар марказлари негизида Республика «Баркамол авлод» болалар мактабини;

«Баркамол авлод» туман (шаҳар) болалар марказлари, Қорақалпоғистон Республикаси, вилоятлар ва Тошкент шаҳар «Баркамол авлод» болалар марказлари негизида «Баркамол авлод» болалар мактабларини;

Қорақалпоғистон Республикаси Халқ таълими вазирлиги ва вилоятлар халқ таълими бошқармалари ҳузуридаги ахборот-ресурс марказлари негизида «Болалар кутубхоналари»ни;

2020 — 2023 йилларда Бухоро, Қашқадарё, Наманган, Самарқанд, Хоразм вилоятлари ва Тошкент шаҳрида тизимли равишда болалар туризмни ривожлантириш мақсадида «Баркамол авлод» болалар мактаблари ҳузурида 100 — 200 ўринли «Болалар сайёҳлик базалари»ни ташкил этиш тўғрисидаги таклифлари маъқуллансин.

2. Белгилансинки:

«Болалар кутубхоналари» умумтаълим муассасалари кутубхоналарига амалий ва услубий ёрдам кўрсатиш, ўқувчиларнинг миллий ва жаҳон болалар бадиий адабиётлари дурдона асарларига бўлган эҳтиёжини аниқлаш, уларни китоб мутолааси ва китобхонлик маданиятини оширишга қаратилган тарғибот-ташвиқот ишларини амалга ошириш, маданий-маърифий тадбирларни («Ёш китобхон», «Китобхон мактаб», «Энг яхши кутубхоначи» ва бошқалар) ташкил этишга кўмаклашиш;

«Болалар сайёҳлик базалари» «Баркамол авлод» болалар мактабларининг «ёш сайёҳ», «ёш экскурсовод», «ёш ўлкашунос» тўғарак аъзолари учун ўлкамиз тарихи, қадимий ва муқаддас қадамжолар, миллий урф-одатларимиз билан яқиндан таништириш, атроф-муҳитни муҳофаза қилиш ва асраш, болалар ўртасида экология ҳамда саёҳат қилиш маданиятини юксалтириш мақсадида ташкил этилади.

3. Қуйидагилар Ўзбекистон Республикаси Халқ таълими вазирлигининг мактабдан ташқари таълимни ривожлантириш бўйича асосий вазифалари этиб белгилансин:

ёш авлодни маънавий баркамол этиб тарбиялаш, уларнинг бўш вақтларини мазмунли ўтказишини таъминлаш, бунда уларнинг санъат, спорт, ахборот технологиялари, китоб ўқишга қизиқишини ошириш ҳамда қизларни ижтимоий фаол ҳаётга тайёрлашни ташкиллаштириш;

замонавий ахборот-коммуникация технологияларини кенг қўллаш орқали болаларни индивидуал ривожлантиришга қаратилган дастурлар ва услубий материалларни доимий такомиллаштириб бориш;

робототехника, мехатроника, муҳандислик ва компьютер дастурий таъминоти йўналишларидаги тўғаракларни доимий ривожлантириб бориш;

болалар ва таълим туризмларини ривожлантиришга қаратилган лойиҳаларни амалга ошириш;

ўқувчи ёшларнинг ижодий ишларини оммалаштириш, шу жумладан дунё бозорига миллий анъаналаримиз асосида «Баркамол авлод» болалар мактабларининг тўғарак аъзолари томонидан яратилган маҳсулотларни олиб чиқиш мақсадида «Art shop» электрон дўконларини ташкил этиш ва сотувини йўлга қўйиш;

мактабдан ташқари таълим муассасаларига ўқувчилар қамровини ошириш, ўқувчилар қизиқишларига кўра тўғаракларни ташкил этиш ва доимий фаолият олиб боришини таъминлаш;

болаларда касбни эгаллаш бўйича дастлабки билим ва кўникмаларни шакллантириш, тармоқ тўғараклари фаолиятини методик таъминлаш, китобхонлик маданиятини ошириш учун мактабдан ташқари таълим муассасалари фаолиятини замонавий таълим дастурлари орқали такомиллаштириш;

етакчи ташкилотлар ва олий таълим муассасалари билан биргаликда «Баркамол авлод» болалар мактабларида робототехника ва техник ижодиёт йўналишида фойдаланадиган хом ашёлар рўйхатини шакллантириш ва янгилаб бориш;

болалар техник ижодкорлигини ривожлантириш учун хорижий давлатларнинг илғор тажрибалари асосида «Баркамол авлод» болалар мактабларида давлат-хусусий шериклик шартлари асосида «Болалар технопарки» лойиҳаларини ташкил этиш;

«Баркамол авлод» болалар мактаблари ва «Болалар кутубхоналари»нинг халқаро ҳамда республика танловлари ғолибларини муносиб рағбатлантириш механизмларини йўлга қўйиш;

тизимда илмий ва амалий тажриба алмашиш ишларини олиб бориш мақсадида хорижий мамлакатларда ходимларнинг малака ошириши ҳамда мақсадли хизмат сафарларини ташкил этиш;

болалар ўртасида китоб мутолааси ва китобхонлик маданиятини ривожлантириш, кўчма кутубхоналар фаолиятини йўлга қўйиш, болалар ва мактаб кутубхоналарини бадий адабиётлар билан таъминлаш тизимини такомиллаштириш;

мактабдан ташқари таълим муассасаларининг бўш турган бино ва ер майдонларидан самарали фойдаланишни таъминлаш учун давлат-хусусий шериклик шартлари асосида мақсадли лойиҳаларни амалга ошириш.

4. Қуйидагилар:

2019 — 2021 йилларда халқ таълими тизимидаги мактабдан ташқари таълим муассасалари фаолиятини самарали ташкил этиш бўйича «Йўл харитаси» (кейинги ўринларда — «Йўл харитаси») [1-иловага](#) мувофиқ;

2020 — 2024 йилларда янгидан қуриладиган, реконструкция қилинадиган ва мукаммал таъмирланадиган «Баркамол авлод» болалар мактабларининг асосий параметрлари [2-иловага](#) мувофиқ;

2020 — 2023 йилларда янгидан қуриладиган, реконструкция қилинадиган ва мукаммал таъмирланадиган «Болалар кутубхоналари»нинг асосий параметрлари [3-иловага](#) мувофиқ тасдиқлансин.

5. Белгилансинки:

«Баркамол авлод» болалар мактабларида 2020/2021 ўқув йилидан бошлаб «STEAM — таълим» (Science — табиий фанлар, Technology — технологиялар, Engineering — муҳандислик, Art — санъат, Mathematics — математика) дастури жорий этилади;

эксперимент тариқасида ҳар бир туманда битта умумий ўрта таълим мактабларида муассаса моддий-техника базасидан келиб чиқиб ҳамда ўқувчилар қизиқишига кўра «Баркамол авлод» болалар мактабларининг тармоқ тўғараклари ташкил этилади;

мазкур қарорнинг [4-бандида](#) кўрсатилган «Баркамол авлод» болалар мактаблари ва «Болалар кутубхоналари»ни қуриш, реконструкция қилиш, мукаммал таъмирлаш, шунингдек, мазкур объектларни жиҳозлаш ишлари Ўзбекистон Республикасининг Инвестиция дастури доирасида назарда тутилادиган Ўзбекистон Республикаси Давлат бюджети маблағлари ҳамда қонун ҳужжатлари билан тақиқланмаган бошқа манбалар ҳисобидан амалга оширилади;

2020 йил 1 январдан бошлаб «Баркамол авлод» болалар мактабларини махсус асбоб-ускуналар ва жиҳозлар билан таъминлаш ишлари Ўзбекистон

Республикаси Давлат бюджети параметрларида «Таълим» соҳаси учун ажратилган маблағлар доирасида ва «Баркамол авлод» болалар мактабларининг бюджетдан ташқари маблағлари ҳисобидан амалга оширилади;

200 ўқувчига мўлжалланган «Баркамол авлод» болалар мактаблари, 100 — 200 ўринли «Болалар сайёҳлик базалари», 100 ўқувчига мўлжалланган «Болалар кутубхоналари»ни янгидан қуриш ишлари белгиланган тартибда Ўзбекистон Республикаси Халқ таълими вазирлиги ва Қурилиш вазирлиги билан келишилган яқка тартибда тасдиқланган лойиҳаларга қатъий риоя қилинган ҳолда амалга оширилади;

Ўзбекистон Республикаси Қурилиш вазирлиги томонидан белгиланган тартибда қурилиш-монтаж ишларини бажаришда шаҳарсозлик норма ва қоидаларига риоя этилиши устидан назорат ўрнатилади.

6. Ўзбекистон Республикаси Молия вазирлиги, Иқтисодиёт ва саноат вазирлиги, Инвестициялар ва ташқи савдо вазирлиги, Халқ таълими вазирлиги:

Ўзбекистон Республикасининг Инвестиция дастури доирасида назарда тутилادиган Ўзбекистон Республикаси Давлат бюджети маблағлари ҳисобидан қурилиш манзилли дастурини шакллантиришда «Баркамол авлод» болалар мактаблари, «Болалар сайёҳлик базалари», «Болалар кутубхоналари»нинг аниқ сони ва рўйхатини кўрсатган ҳолда, уларнинг янгиларини қуриш, реконструкция қилиш, мукамал таъмирлаш, зарур хом ашё ва инвентарлар билан жиҳозлаш учун зарур бўлган маблағлар ажратилишини таъминласин;

2020 йилда Ўзбекистон Республикасининг Инвестиция дастури доирасида назарда тутилادиган Ўзбекистон Республикаси Давлат бюджети маблағлари ҳисобидан манзилли дастурларни шакллантиришда Республика «Баркамол авлод» болалар мактаби жойлашган бино ва иншоотларни реконструкция қилиш орқали 200 ўринли «Болалар сайёҳлик базаси» қурилиши ҳамда зарур хом ашё ва инвентарлар билан жиҳозлаш бўйича тасдиқланган лойиҳа-смета ҳужжатларига мувофиқ зарур бўлган капитал қўйилма лимитлари ажратилишини назарда тутсин.

7. Қуйидагиларни назарда тутувчи 2019 — 2024 йилларда Халқ таълими тизимидаги мактабдан ташқари таълим тизимини ривожлантиришнинг мақсадли кўрсаткичлари [4-иловага](#) мувофиқ тасдиқлансин:

«Баркамол авлод» болалар мактабларини 2024 йилга қадар 50 фоиз олий маълумотли мутахассислар билан тўлдириш (жами тўғарак раҳбарлари сонига нисбатан);

ўқувчиларни «Баркамол авлод» болалар мактабларига қамраб олиш даражасини 10,5 фоизга етказиш (умумтаълим мактабларидаги ўқувчилар сонига нисбатан);

«Баркамол авлод» болалар мактабларида 2024 йилга қадар давлат-хусусий шериклик асосида робототехника ва муҳандислик тўғараклари улушини 10 фоизга етказиш (жами тўғараклар сонига нисбатан);

«Болалар кутубхоналари» ва мактаб кутубхоналари учун жаҳон ва миллий адабиёти дурдоналарига кирувчи асарларнинг аудиокитоб шаклини яратиш;

барча «Баркамол авлод» болалар мактаблари, «Болалар кутубхоналари» ва мактаб кутубхоналарини кенг полосали Интернет тармоғига улаш.

8. Ўзбекистон Республикаси Халқ таълими вазирлиги:

икки ой муддатда «Баркамол авлод» болалар мактаблари ва «Болалар кутубхоналари» тўғрисидаги намунавий низомлар ҳамда уларнинг тузилмаларини белгиланган тартибда ишлаб чиқсин ва тасдиқлаш учун Ўзбекистон Республикаси Вазирлар Маҳкамасига киритсин;

Ўзбекистон Республикаси Молия вазирлиги, Соғлиқни сақлаш вазирлиги, Иқтисодиёт ва саноат вазирлиги, Қурилиш вазирлиги ва «Ўзстандарт» агентлиги билан биргаликда уч ой муддатда «Баркамол авлод» болалар мактаби ва «Болалар кутубхоналари»ни намунавий жиҳозлаш меъёрини ишлаб чиқсин ва тасдиқласин;

2020 йил 1 январдан бошлаб «Баркамол авлод» болалар мактабларида робототехника, мехатроника, муҳандислик, дастурлаш ва хорижий тилларни ўрганиш тўғракларини давлат-хусусий шериклик шартлари асосида ташкил этиш чораларини кўрсин;

2020 йил 1 сентябрга қадар хорижий экспертларни жалб қилган ҳолда Республика «Баркамол авлод» болалар мактаби мисолида «Баркамол авлод» болалар мактаблари биноларига (шу жумладан кўринишига) ҳамда уларнинг ўқув-услубий ва таълим жараёнига бўлган талабларни ўз ичига олган концепцияни ишлаб чиқсин ва жорий этсин.

9. Ўзбекистон Республикаси Халқ таълими тизимидаги мактабдан ташқари таълим муассасалари ходимлари ва тўғарак раҳбарларини тегишли мутахассислик йўналишида малака ошириш тизимини жорий этиш мақсадида 2020 йил 1 январдан бошлаб А. Авлоний номидаги Халқ таълими тизими раҳбар ва мутахассис ходимларини қайта тайёрлаш ва малакасини ошириш институтида Мактабдан ташқари таълим тизими ходимларини қайта тайёрлаш ва малакасини ошириш кафедраси (кейинги ўринларда — Кафедра) ташкил этилсин.

Замонавий таълим технологиялари асосида, шу жумладан масофавий таълим технологияларини қўллаган ҳолда ихтисослаштирилган тўғараклар йўналишлари бўйича халқ таълими тизимидаги мактабдан ташқари таълим муассасалари ходимларини малака оширишнинг ва қайта тайёрлашнинг амалдаги нормаларига мувофиқ қайта тайёрлаш ва малакасини ошириш Кафедранинг асосий вазифаси этиб белгилансин.

10. Белгилаб қўйилсинки:

Кафедра фаолиятини молиялаштириш Ўзбекистон Республикаси Давлат бюджетидан халқ таълими ходимларини қайта тайёрлаш ва уларнинг малакасини оширишга йўналтириладиган маблағлар доирасида амалга оширилади;

Кафедра Тошкент шаҳри, Юнусобод тумани, Аҳмад Дониш кўчаси, 72-А уй манзилига бепул жойлаштирилади.

11. Ўзбекистон Республикаси Халқ таълими вазирлиги, Молия вазирлиги ҳамда Бандлик ва меҳнат муносабатлари вазирлигининг «Баркамол авлод» болалар мактаблари ходимларининг базавий тариф ставкаларини 2020 йил 1 январдан:

директор ва директор ўринбосарлари учун 1,55 бараварга;

тўғарак раҳбари учун 1,5 бараварга ошириш;

инструктор-услубчилар ва услубчилар меҳнатига ҳақ тўлаш тартибини базавий тариф ставкаларидан келиб чиқиб амалга ошириш ва уларнинг базавий тариф ставкалари миқдорларини тўғарак раҳбарлари базавий тариф ставкалари миқдорига тенглаштириш тўғрисидаги таклифи маъқуллансин.

12. Ўзбекистон Республикаси Молия вазирлиги:

«Баркамол авлод» болалар мактаблари ходимларининг базавий тариф ставкаларини ошириш билан боғлиқ харажатларни молиялаштириш учун зарур маблағларни 2020 йилдан бошлаб Ўзбекистон Республикаси Давлат бюджети харажатлари параметрларида назарда тутсин;

умумий ўрта таълим мактабларида ўқувчилар қизиқишига кўра «Баркамол авлод» болалар мактабларининг тармоқ тўғаракларини ташкил этиш учун зарур маблағлар манбаси юзасидан таклиф киритсин.

13. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари:

«Баркамол авлод» болалар мактаблари, «Болалар сайёҳлик базалари» ва «Болалар кутубхоналари»ни янгидан қуриш учун майдонларни танлашда тасдиқланган меъёр ва параметрларга мувофиқ, қоида тариқасида, туман ва шаҳарларнинг марказида, турар-жой массивларида жойлаштирилишини ҳисобга олсин;

2020 — 2022 йилларда болалар ўртасида китоб мутолааси ва китобхонлик маданиятини ривожлантириш мақсадида кўчма кутубхоналар фаолиятини йўлга қўйиш чораларини кўрсин.

14. Ўзбекистон Республикаси Инновацион ривожланиш вазирлиги Тошкент шаҳар ҳокимлиги, Халқ таълими вазирлиги билан биргаликда болаларнинг бўш вақтларини мазмунли ташкил этиш ва улар учун шарт-шароитлар яратиш бўйича шерик сармоядорлар ва тадбиркорларни жалб қилган ҳолда таълим лабораторияси, робот дунёси ва турли ижодкорлик йўналишларини қамраб олган «Kids makon» бизнес лойиҳасини амалга ошириш чораларини кўрсин.

15. Ўзбекистон Республикаси Ахборот технологиялари ва коммуникацияларини ривожлантириш вазирлиги, Олий ва ўрта махсус таълим вазирлиги, Маданият вазирлиги, Инновацион ривожланиш вазирлиги, «Хунарманд» уюшмаси робототехника ва техник ижодиёт, бадий ижодиёт ҳамда экология ва туризм йўналишлари бўйича «Баркамол авлод» болалар мактабларининг касбий йўналишларига оид фаолиятини ўқув-методик жиҳатдан қўллаб-қувватлашда амалий ёрдам кўрсатсин.

16. Ўзбекистон Республикаси Халқ таълими вазирлиги Инвестициялар ва ташқи савдо вазирлиги, Иқтисодиёт ва саноат вазирлиги ҳамда Молия вазирлиги билан биргаликда «Баркамол авлод» болалар мактаблари ва «Болалар кутубхоналари»ни ривожлантириш, моддий-техник базасини яхшилаш, шу жумладан хом ашёлар харид қилиш учун имтиёзли шартлар асосидаги хорижий кредитлар ва грантларни жалб этиш борасидаги ишларни фаоллаштирсин.

17. Қуйидагиларга:

Ўзбекистон Республикаси Бош вазирининг ўринбосари А.А. Абдуҳакимовга — ушбу қарорда назарда тутилган чора-тадбирларнинг давлат органлари ва ташкилотлари томонидан самарали амалга оширилишини таъминлаш;

Ўзбекистон Республикаси халқ таълими вазири Ш.Х. Шерматовга — халқ таълими тизимидаги мактабдан ташқари таълимни ривожлантириш бўйича вазифаларни тўлақонли амалга ошириш, Кафедра фаолиятини самарали йўлга қўйиш, соҳага замонавий таълим технологияларини жорий қилиш, шу жумладан янги тўғаракларни ташкил қилиш, «Баркамол авлод» болалар мактаблари ва «Болалар кутубхоналари»ни куриш, реконструкция қилиш, мукамал таъмирлаш, мазкур мактабларни жиҳозлаш ишлари ўз муддатларида амалга оширилишини таъминлаш ва давлат-хусусий шериклик лойиҳаларини кенг жорий қилиш юзасидан шахсий жавобгарлик юклансин.

Олдинги таҳрирга қаранг.

18. Ўзбекистон Республикаси Маданият вазирлигининг Тошкент шаҳри, Учтепа тумани, Саккокий кўчаси, 3а-уй манзилида жойлашган бино ва иншоотларининг бир қисми тегишли ҳудуди билан биргаликда Республика «Баркамол авлод» болалар мактабини жойлаштириш учун Халқ таълими вазирлигига оператив бошқарув ҳуқуқи асосида беғараз ўтказиб берилсин.

Ўзбекистон Республикаси Вазирлар Маҳкамаси бир ой муддатда Республика «Баркамол авлод» болалар мактабининг эҳтиёжидан келиб чиқиб, Халқ таълими вазирлигига бериладиган Тошкент шаҳри, Учтепа тумани, Саккокий кўчаси 3а-уй манзилида жойлашган бино ва иншоотларнинг аниқ чегараларини белгилашни таъминласин.

(18-банд Ўзбекистон Республикаси Президентининг 2019 йил 4 октябрдаги ПФ-5846-сонли Фармони таҳририда — Қонун ҳужжатлари маълумотлари миллий базаси, 04.10.2019 й., 06/19/5846/3866-сон)

19. Ўзбекистон Миллий ахборот агентлиги ва Ўзбекистон Миллий телерадиокомпанияси оммавий ахборот воситаларида мазкур қарорнинг мақсад ва вазифалари кенг ёритилишини ташкил этсин.

20. Ўзбекистон Республикаси Президентининг 2018 йил 27 сентябрдаги ПҚ-3953-сон қарори билан тасдиқланган Давлат буюртмачилари томонидан тўғридан-тўғри шартномалар бўйича харид қилинадиган товарлар (ишлар, хизматлар) **рўйхати** қуйидаги мазмундаги 30¹-банд билан тўлдирилсин:

«30¹. Халқ таълими тизимидаги умумий ўрта ва мактабдан ташқари таълим муассасалари учун ўқувчиларнинг муҳандислик, робототехника, меҳатроника ва дастурий таъминот йўналишлари бўйича ўқув машғулотларда фойдаланиш ҳамда инновацион ишланмаларни амалга ошириш юзасидан республикада ишлаб чиқарилмайдиган, хориждан олиб келинадиган хом ашёлар ва жиҳозлар».

21. Ўзбекистон Республикаси Халқ таълими вазирлиги Адлия вазирлиги, манфаатдор вазирлик ва идоралар билан биргаликда икки ой муддатда қонун ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

22. Мазкур қарорнинг ижросини назорат қилиш Ўзбекистон Республикаси Президентининг маслаҳатчиси А.А. Абдувахитов ва Ўзбекистон Республикаси Бош вазирининг ўринбосари А.А. Абдуҳакимов зиммасига юклансин.

Ўзбекистон Республикаси Президенти Ш. МИРЗИЁЕВ

Тошкент ш.,
2019 йил 30 сентябрь,
ПҚ-4467-сон

Ўзбекистон Республикаси Президентининг 2019 йил 30 сентябрдаги ПҚ-4467-сон қарорига
1-ИЛОВА

**2019 — 2021 йилларда халқ таълими тизимидаги мактабдан ташқари таълим
муассасалари фаолиятини самарали ташкил этиш бўйича**

«ЙЎЛ ХАРИТАСИ»

Т/р	Тадбирлар номи	Амалга ошириш шакли	Амалга ошириш муддати	Масъул ижрочилар
I. Мактабдан ташқари таълим муассасаларини юқори малакали педагог ходимлар билан таъминлаш, уларни меъёрий ҳуқуқий ва илмий-услубий жихатдан қўллаб-қувватлаш				
1.	Олий таълим муассасалари талабаларининг амалиёт машғулотларини «Баркамол авлод» болалар мактаблари ва «Болалар кутубхоналари»да ташкил этишга мўлжалланган ҳамкорлик режа-жадвалини ишлаб чиқиш ва тасдиқлаш.	Қўшма қарор	2020 йил 1 март	Халқ таълими вазирлиги (Ш. Шерматов), Олий ва ўрта махсус таълим вазирлиги (И. Мажидов)
2.	Олий таълим муассасаларида кутубхонашунослик йўналишида қабул квоталарини ошириш бўйича Ўзбекистон Республикаси Вазирлар Маҳкамасига таклиф киритиш.	Ўзбекистон Республикаси Президенти қарори	2020-2021 йиллар давомида	Иқтисодиёт ва саноат вазирлиги (Б. Ходжаев), Маданият вазирлиги (Б. Сайфуллаев), Ахборот технологиялари ва коммуникацияларини ривожлантириш вазирлиги (Ш. Содиқов), Халқ таълими вазирлиги (Ш. Шерматов)
3.	Ўзбекистон Республикаси Халқ таълими вазирлиги ҳузурида Мактабдан ташқари таълим тизими ходимларини қайта тайёрлаш ва малакасини ошириш марказига ҳар йили нуфузли хорижий таълим муассасалари профессор-ўқитувчиларини жалб этиш, улар иштирокида анжуманлар, вебинар, амалий маҳорат ва намунали ўқув дарсларини ўтказиш ҳамда ўқув ва илмий-тадқиқот ишлари юзасидан ҳамкорлик ишларини амалга ошириш.	Ташкилий чоралар	2019 — 2021 йиллар давомида	Халқ таълими вазирлиги (Ш. Шерматов), Ташқи ишлар вазирлиги (А. Камилов)
4.	«Баркамол авлод» болалар мактаблари ва «Болалар кутубхоналари»нинг намунавий уставларини ишлаб чиқиш ва тасдиқлаш.	Халқ таълими вазири буйруғи	2019 йил 1 декабрь	Халқ таълими вазирлиги (Ш. Шерматов), Адлия вазирлиги (Р. Давлетов)
5.	«Баркамол авлод» болалар мактаблари ва «Болалар кутубхоналари» ходимларининг	Халқ таълими вазири	2019 йил 1 декабрь	Халқ таълими вазирлиги (Ш. Шерматов),

	малака тавсифларини ишлаб чиқиш ва тасдиқлаш.	буйруғи лойиҳаси		Бандлик ва меҳнат муносабатлари вазирлиги (Н. Хусанов)
6.	«Баркамол авлод» болалар мактабларидаги тўғарак турлари бўйича ўқувчиларнинг касб-хунар эгаллашларини назарда tutувчи ўқув дастурлар, ўқув-қўлланмалар ва кўргазмалар воситалар учун электрон форматдаги дастурий лойиҳаларни ишлаб чиқиш ва жорий қилиш.	Халқ таълими вазири буйруғи	2019 — 2021 йиллар давомида	Халқ таълими вазирлиги (Ш. Шерматов), Ахборот технологиялари ва коммуникацияларини ривожлантириш вазирлиги (Ш. Содиқов), Экология ва атроф-муҳитни муҳофаза қилиш давлат қўмитаси (Б. Қўчқоров), «Хунарманд» уюшмаси (У. Абдуллаев), манфаатдор вазирлик ва идоралар
7.	«Баркамол авлод» болалар мактаблари тўғарак машғулотлари электрон журналин ишлаб чиқиш ва жорий этиш.	Техник лойиҳа	2020 йил 1 август	Халқ таълими вазирлиги (Ш. Шерматов), Ахборот технологиялари ва коммуникацияларини ривожлантириш вазирлиги (Ш. Содиқов)
8.	«Баркамол авлод» болалар мактабларида техник ижодиёт йўналиши бўйича онлайн курслар ташкил этиш.	Техник лойиҳа	2020 йил 1 март	Халқ таълими вазирлиги (Ш. Шерматов), Ахборот технологиялари ва коммуникацияларини ривожлантириш вазирлиги (Ш. Содиқов)
9.	Болалар кутубхоналари ва мактаб кутубхоналари китоб фондини юритиш ҳамда китобхонлар рўйхатдан ўтказилишининг электрон тизимини ишлаб чиқиш.	Техник лойиҳа	2020 йил 1 февраль	Халқ таълими вазирлиги (Ш. Шерматов), Ахборот технологиялари ва коммуникацияларини ривожлантириш

				вазирлиги (Ш. Содиқов)
10.	«Баркамол авлод» болалар мактабларида «STEAM — таълим» (Science — табиий фанлар, Technology — технологиялар, Engineering — муҳандислик, Art — санъат, Mathematics — математика) дастурини жорий этиш мақсадида ривожланган давлатларнинг тажрибаларини ўрганиш, шу жумладан хорижий сафарларни ташкил этиш.	Ташкилий чоралар	2020 йил 1 март	Халқ таълими вазирлиги (Ш. Шерматов), Ахборот технологиялари ва коммуникацияларини ривожлантириш вазирлиги (Ш. Содиқов), Инновацион ривожланиш вазирлиги (И. Абдурахмонов), Молия вазирлиги (Т. Ишметов)
II. Мактабдан ташқари таълим муассасаларида ўқувчиларни янги инновацион технологиялар орқали касб-ҳунарга тайёрлаш улар орасидан истеъдодли ва иқтидорлиларини саралаб олиш ва касбга мақсадли йўналтириш				
11.	«Баркамол авлод» болалар мактабларида ташкил этиладиган замонавий касблар талабларини ўзида мужассам этган тўғарак турларини белгилаш ва тасдиқлаш.	Халқ таълими вазири буйруғи	2019 йил 1 декабрь	Халқ таълими вазирлиги (Ш. Шерматов), манфаатдор вазирлик ва идоралар
12.	«Баркамол авлод» болалар мактабларида мамлакатимиз ва хорижий давлатлар маданияти, урф одатлари, диққатга сазовор жойлари билан ўқувчиларни яқиндан таништиришга қаратилган онлайн саёҳатларни ўз ичига олган виртуал майдонлар ташкил этиш.	Техник лойиҳа	2020-2021 йиллар давомида	Халқ таълими вазирлиги (Ш. Шерматов), Ахборот технологиялари ва коммуникацияларини ривожлантириш вазирлиги (Ш. Содиқов), Инновацион ривожланиш вазирлиги (И. Абдурахмонов), Молия вазирлиги (Т. Ишметов)
13.	«Баркамол авлод» болалар мактаблари тўғарак аъзоларининг ижодий ишларининг сотувини йўлга қўйиш мақсадида «Art shop» электрон дўконларини ташкил этиш.	Техник лойиҳа	2019 — 2021 йиллар давомида	Халқ таълими вазирлиги (Ш. Шерматов), Ахборот технологиялари ва коммуникацияларини ривожлантириш вазирлиги (Ш. Содиқов),

				Ўзбекистон Ёшлар иттифоқи (А. Саъдуллаев)
14.	Болалар ижодини қўллаб-қувватлаш ва ривожлантириш мақсадида «Ижодкор болалар» фестивалини доимий равишда ташкил этиш.	Ташкилий тадбирлар	2019 — 2021 йиллар давомида	Халқ таълими вазирлиги (Ш. Шерматов), Маданият вазирлиги (Б. Сайфуллаев), Ўзбекистон Ёшлар иттифоқи (А. Саъдуллаев), манфаатдор вазирлик ва идоралар
15.	Иқтидорли болаларни аниқлаш ва уларни қўллаб-қувватлаш мақсадида «Кашфиётчи болалар» кўрик-танловини ўтказиш.	Ташкилий тадбирлар	2019 — 2021 йиллар давомида	Халқ таълими вазирлиги (Ш. Шерматов), Инновацион ривожланиш вазирлиги (И. Абдурахмонов), Ахборот технологиялари ва коммуникацияларини ривожлантириш вазирлиги (Ш. Содиқов) манфаатдор вазирлик ва идоралар
16.	«Youth techno art» (болалар техник ижодиёти) халқаро фестивалини ташкил этиш ва ўтказиш.	Ташкилий тадбирлар	Режани тасдиқлаш — 2019 йил 1 ноябрь ўтказиш — режага мувофиқ	Халқ таълими вазирлиги (Ш. Шерматов), Ташки ишлар вазирлиги (А. Камилов), Ахборот технологиялари ва коммуникацияларини ривожлантириш вазирлиги (Ш. Содиқов), манфаатдор вазирлик ва идоралар
17.	Ўқувчилар ўртасида болалар адабиётини ривожлантириш мақсадида наср йўналишида «Йил ҳикояси» республика кўрик-танловини ўтказиш.	Ташкилий тадбирлар	2019 — 2021 йиллар давомида	Халқ таълими вазирлиги (Ш. Шерматов), Ўзбекистон Ёзувчилар уюшмаси (С. Саидов), Ўзбекистон Ёшлар иттифоқи (А. Саъдуллаев)
18.	Китобхонлик маданиятини оширишга доир тарғибот ишларини самарали ташкил этиш, бу борада китобхонлар, ва кутубхоначилар ўртасида «Фаол китобхон ўқувчи»,	Ташкилий тадбирлар	2019 — 2021 йиллар давомида	Халқ таълими вазирлиги (Ш. Шерматов), Ўзбекистон Ёзувчилар уюшмаси (С. Саидов),

	«Фаол кутубхоначи» кўрик-танловларини ўтказиш.			Ўзбекистон Ёшлар иттифоқи (А. Саъдуллаев)
19.	Болалар кутубхоналарида китоб муаллифлари билан ижодий учрашувларни тизимли равишда ташкил этиш.	Режа-жадвал	2019 — 2021 йиллар давомида	Халқ таълими вазирлиги (Ш. Шерматов), Ўзбекистон Ёзувчилар уюшмаси (С. Саидов), Ўзбекистон Ёшлар иттифоқи (А. Саъдуллаев)
20.	Меҳрибонлик уйлари тарбияланувчилари ва махсус мактаб интернатлари ўқувчиларини саёҳатларга янада кўпроқ жалб этиш.	Режа-жадвал	2019 — 2021 йиллар давомида	Халқ таълими вазирлиги (Ш. Шерматов), Туризмни ривожлантириш давлат қўмитаси (А. Аккулов), Ўзбекистон Ёшлар иттифоқи (А. Саъдуллаев)
21.	Ўқувчиларни мамлакатимиз ўлкалари тарихи билан яқиндан таништириш (Меҳрибонлик уйлари тарбияланувчилари ва имконияти чекланган болалар учун ихтисослаштирилган мактаб-интернатлари алоҳида эътибор қаратиш), экологик маданиятни шакллантириш ва уларни саёҳатга олиб бориш тизимини йўлга қўйиш бўйича 2020-2021 йилларга мўлжалланган «Болалар туризми» режа-жадвалини ишлаб чиқиш.	Режа-жадвал	2019 йил 1 декабрь	Халқ таълими вазирлиги (Ш. Шерматов), Туризмни ривожлантириш давлат қўмитаси (А. Аккулов)
22.	Иқтидорли болаларни рағбатлантириш мақсадида уларнинг «Амударё» соғломлаштириш оромгоҳи ва Республика ўқувчи-ёшлар марказида ҳордиқ чиқаришини ташкил этиш.	Қўшма қарор	2020 йил 1 март	Ўзбекистон Ёшлар иттифоқи (А. Саъдуллаев), Халқ таълими вазирлиги (Ш. Шерматов), Ички ишлар вазирлиги (П. Бобожонов), «Ўзбекистон темир йўллари» АЖ (Х. Хасилов), Ўзбекистон Касаба уюшмалари федерацияси (Қ. Рафиқов)
23.	Тадбирлар ва фестиваллар ғолиблари орасидан истеъдодли ва иқтидорли ёшларни саралаб олиш ҳамда уларни республикаимиз ҳамда хорижий соғломлаштириш	Ташкилий тадбирлар	2019 — 2021 йиллар давомида	Халқ таълими вазирлиги (Ш. Шерматов), Ўзбекистон Ёшлар иттифоқи (А. Саъдуллаев),

	оромгоҳларида ҳордиқ чиқаришини ташкил этиш.			Ўзбекистон Касаба уюшмалари федерацияси (<i>Қ. Рафиқов</i>), Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари
24.	А. Авлоний номидаги халқ таълими тизими раҳбар ва мутахассис ходимларини қайта тайёрлаш ва малакасини ошириш институтининг Мактабдан ташқари таълим тизими ходимларини қайта тайёрлаш ва малакасини ошириш кафедраси жойлаштирилган бино ва иншоотларини реконструкция қилиш орқали 200 ўринли ётоқхона қурилиши ҳамда зарур хом ашё ва жиҳозлаш бўйича тасдиқланган лойиҳа-смета ҳужжатларига мувофиқ зарур бўлган капитал қўйилма лимитларини ажратиш.	Ташкилий чоралар	2020 йил 1 июнь	Молия вазирлиги (<i>Т. Ишметов</i>), Иқтисодиёт ва саноат вазирлиги (<i>Б. Ходжаев</i>), Инвестициялар ва ташқи савдо вазирлиги (<i>С. Умурзаков</i>), Халқ таълими вазирлиги (<i>Ш. Шерматов</i>)
Ш. Болалар ўртасида китоб мутолааси ва китобхонликни тарғиб қилиш, кутубхоналар фондини бойитиш ва ўқувчилар учун сифатли кутубхона хизматини йўлга қўйиш				
25.	Болалар кутубхоналари ҳамда мактаб кутубхоналари фондини «Мактаб кутубхонаси» туркумидаги ўзбек ва жаҳон болалар адабиётлари билан бойитиш бўйича 2020-2021 йилларга мўлжалланган «Бадий адабиётлар дастури»ни ишлаб чиқиш.	Бадий адабиётлар рўйхати	2020 йил 1 январь	Халқ таълими вазирлиги (<i>Ш. Шерматов</i>), Молия вазирлиги (<i>Т. Ишметов</i>), Ахборот ва оммавий коммуникациялар агентлиги (<i>К. Алламжонов</i>), Ўзбекистон Ёшлар иттифоқи (<i>А. Саъдуллаев</i>)
26.	Болалар кутубхоналарида хорижий давлатлар кутубхоналарига саёҳатлар уюштириш ва онлайн китоблар ўқиш имкониятини берувчи виртуал майдонлар ташкил этиш.	Техник лойиҳа	2020-2021 йиллар давомида	Халқ таълими вазирлиги (<i>Ш. Шерматов</i>), Ахборот технологиялари ва коммуникацияларини ривожлантириш вазирлиги (<i>Ш. Содиқов</i>), Ахборот ва оммавий коммуникациялар

				агентлиги (К. Алламжонов), Молия вазирлиги (Т. Ишметов)
27.	Ўқувчиларнинг маънавий ҳамда интеллектуал оламини бойитишга қаратилган, болалар психологиясига мос бўлган ўзбек мумтоз ва замонавий адабиёти ҳамда жаҳон адабиётининг бадий намуналаридан 600 номдаги бадий асарларнинг аудио нусхаларини яратиш.	Техник лойиҳа	2019 — 2021 йиллар давомида	Халқ таълими вазирлиги (Ш. Шерматов), Ахборот ва оммавий коммуникациялар агентлиги (К. Алламжонов), Ўзбекистон Ёшлар иттифоқи (А. Саъдуллаев), Молия вазирлиги (Т. Ишметов)
28.	Ўқувчиларнинг илмий-маърифий, бадий ва энциклопедик адабиётларга бўлган талабини қондириш мақсадида мавжуд китобларнинг электрон каталогини яратиш ва тизимли равишда янгилаб бориш.	Техник лойиҳа	2019 — 2021 йиллар давомида	Ахборот ва оммавий коммуникациялар агентлиги (К. Алламжонов), Халқ таълими вазирлиги (Ш. Шерматов)
29.	Болалар кутубхоналари ва умумтаълим муассасалари кутубхоналарида китобхонлар сони, китоблардан фойдаланиш самарадорлигини ҳисобга олиш учун QR-кодлар ёрдамида электрон китоблар тўғрисидаги маълумотларни жойлаштириш ва уларни мобил қурилмаларга юклаб олиш ҳамда ўқиш имкониятини яратиш.	Техник лойиҳа	2019 — 2021 йиллар давомида	Ахборот ва оммавий коммуникациялар агентлиги (К. Алламжонов), Халқ таълими вазирлиги (Ш. Шерматов)
30.	Миллий ва жаҳон адабиётининг энг сара намуналарини электрон ва аудио шаклларидаги ягона электрон базасини яратиш.	Техник лойиҳа	2020-2021 йиллар давомида	Халқ таълими вазирлиги (Ш. Шерматов), Ахборот ва оммавий коммуникациялар агентлиги (К. Алламжонов)
31.	Болалар кутубхоналари ва умумтаълим муассасаларида кутубхоналарининг китобхонларга хизмат кўрсатиш бўйича кутубхоначиликка оид ҳужжатлар (бибтехника) ва журналларини Мақсадли китоб жамғармасининг нашр режасига киритиш.	Халқ таълими вазири буйруғи	2020 йил 1 июль	Халқ таълими вазирлиги (Ш. Шерматов), Ахборот ва оммавий коммуникациялар агентлиги (К. Алламжонов)
32.	Умумтаълим муассасалари кутубхоналарининг моддий-техник базасини яхшилаш бўйича 5 та	Ташкилий чоралар	2020 йил 1 июнь	Қорақалпоғистон Республикаси Вазирлар Кенгаши,

	муҳим ташаббус доирасида зарур бўлган жиҳозлар билан таъминлаш чоралари кўриш.			вилоятлар ва Тошкент шаҳар ҳокимликлари, Молия вазирлиги (Т. Ишметов), Халқ таълими вазирлиги (Ш. Шерматов), Ахборот ва оммавий коммуникациялар агентлиги (К. Алламжонов)
IV. Оммавий ахборот воситалари, Интернет тармоғининг имкониятларидан фойдаланган ҳолда ўқувчилар ўртасида робототехника ва техник ижодиёт, бадий ижодиёт ҳамда экотуризм йўналишларини тарғиб қилиш				
33.	«Баркамол авлод» болалар мактаблари фаолияти ва уларда таълим олаётган ёшларнинг ютуқлари тўғрисида телеканалларда ҳар ойда бир маротаба махсус дастурларни ташкил этиш.	Ташкилий чоралар	2019 йил 1 ноябрь	Халқ таълими вазирлиги (Ш. Шерматов), Ўзбекистон Ёшлар иттифоқи (А. Саъдуллаев), МТРК (А. Хаджаев)
34.	Ўқувчилар ўртасида робототехника, техник ижодиёт, бадий ижодиёт ҳамда экотуризм йўналишларини тарғиб қилиш бўйича телекўрсатувлар тайёрлаш.	Ташкилий чоралар	2020 йил 1 февраль	Халқ таълими вазирлиги (Ш. Шерматов), МТРК (А. Хаджаев)
35.	Китобхонликни тарғиб қилиш мақсадида Интернет тармоғида «Ёш китобхонлар» порталини ташкил қилиш.	Техник лойиҳа	2020-2021 йиллар давомида	Ўзбекистон Ёшлар иттифоқи (А. Саъдуллаев), Халқ таълими вазирлиги (Ш. Шерматов), Ахборот технологиялари ва коммуникацияларини ривожлантириш вазирлиги (Ш. Содиқов), Ўзбекистон Ёзувчилар уюшмаси (С. Саидов)
36.	Болалар ўртасида китобхонлик маданияти ва китобхонликнинг баркамол шахс сифатида шаклланишидаги ўрнини тарғиб қилиш мақсадида «Маданият ва маърифат», «Ёшлар» телеканалларида «Китобхон» дастурини намойиш этилишини йўлга қўйиш.	Ташкилий чоралар	2020 йилдан ҳафтада бир марта	Ўзбекистон Ёшлар иттифоқи (А. Саъдуллаев), Ўзбекистон Ёзувчилар уюшмаси (С. Саидов), Маънавият ва маърифат маркази (А. Юсупов), Халқ таълими вазирлиги (Ш. Шерматов), МТРК (А. Хаджаев)

2020 — 2024 йилларда янгидан қуриладиган, реконструкция қилинадиган ва мукаммал таъмирланадиган «Баркамол болалар» болалар мактабларининг

АСОСИЙ ПАРАМЕТРЛАРИ

Худудлар номи ва қурилиш ишлари тури	Мактаблар сони*	Шу жумладан йиллар кесимида				
		2020	2021	2022	2023	2024
Жами, шу жумладан:	52	4	14	13	12	9
янги қурилиш	39	2	11	10	9	7
реконструкция	10	2	2	3	2	1
мукаммал таъмирлаш	3		1		1	1
Қорақалпоғистон Республикаси, шу жумладан:	5		1	1	1	2
янги қурилиш	3			1	1	1
Бўзатов туманидаги «Баркамол авлод» болалар мактаби	1					1
Қораўзак туманидаги «Баркамол авлод» болалар мактаби	1			1		
Элликқалъа туманидаги «Баркамол авлод» болалар мактаби	1				1	
реконструкция	1		1			
Хўжайли туманидаги «Баркамол авлод» болалар мактаби	1		1			
мукаммал таъмирлаш	1					1
Амударё туманидаги «Баркамол авлод» болалар мактаби	1					1
Андижон вилояти, шу жумладан:	2		1		1	
янги қурилиш	2		1		1	
Асака туманидаги «Баркамол авлод» болалар мактаби	1		1			
Қўрғонтепа туманидаги «Баркамол авлод» болалар мактаби	1				1	
Бухоро вилояти, шу жумладан:	3		1	1	1	
янги қурилиш	2		1	0	1	
Вобкент туманидаги «Баркамол авлод» болалар мактаби	1				1	
Ғиждувон туманидаги «Баркамол авлод» болалар мактаби	1		1			
реконструкция	1			1		
Бухоро вилояти «Баркамол авлод» болалар мактабига «Болалар сайёҳлик базаси» қурилиши	1			1		
Жиззах вилояти, шу жумладан:	6	1	1	1	2	1

янги қурилиш	6	1	1	1	2	1
Бахмал туманидаги «Баркамол авлод» болалар мактаби	1					1
Дўстлик туманидаги «Баркамол авлод» болалар мактаби	1			1		
Жиззах вилояти «Баркамол авлод» болалар мактаби	1	1				
Жиззах шаҳридаги «Баркамол авлод» болалар мактаби	1				1	
Зарбдор туманидаги «Баркамол авлод» болалар мактаби	1				1	
Зомин туманидаги «Баркамол авлод» болалар мактаби	1		1			
Қашқадарё вилояти, шу жумладан:	5	1	1	1	1	1
янги қурилиш	4	1	1	1	0	1
Косон туманидаги «Баркамол авлод» болалар мактаби	1					1
Қарши туманидаги «Баркамол авлод» болалар мактаби	1			1		
Қарши шаҳридаги «Баркамол авлод» болалар мактаби	1		1			
Шаҳрисабз шаҳридаги «Баркамол авлод» болалар мактаби ва «Болалар сайёҳлик базаси»	1	1				
реконструкция	1				1	
Чироқчи туманидаги «Баркамол авлод» болалар мактаби	1				1	
Навоий вилояти, шу жумладан:	4		1	1	1	1
янги қурилиш	3		1	1		1
Қизилтепа туманидаги «Баркамол авлод» болалар мактаби	1					1
Навбаҳор туманидаги «Баркамол авлод» болалар мактаби	1		1			
Нурота туманидаги «Баркамол авлод» болалар мактаби	1			1		
реконструкция	1				1	
Томди туманидаги «Баркамол авлод» болалар мактаби	1				1	
Наманган вилояти, шу жумладан:	2		1	1		
янги қурилиш	1			1		
Косонсой туманидаги «Баркамол авлод» болалар мактаби	1			1		
реконструкция	1		1			
Наманган вилояти «Баркамол авлод» болалар мактабига «Болалар сайёҳлик базаси» қурилиши	1		1			
Самарқанд вилояти, шу жумладан:	4		1	1	1	1
янги қурилиш	2		1		1	

Жомбой туманидаги «Баркамол авлод» болалар мактаби	1		1			
Оқдарё туманидаги «Баркамол авлод» болалар мактаби	1				1	
реконструкция	2			1		1
Самарқанд вилояти «Баркамол авлод» болалар мактабига «Болалар сайёҳлик базаси» қурилиши	1			1		
Ургут туманидаги «Баркамол авлод» болалар мактаби	1					1
Сурхондарё вилояти, шу жумладан:	3		1	1	1	
янги қурилиш	3		1	1	1	
Бойсун туманидаги «Баркамол авлод» болалар мактаби	1			1		
Термиз туманидаги «Баркамол авлод» болалар мактаби	1				1	
Термиз шаҳридаги «Баркамол авлод» болалар мактаби	1		1			
Сирдарё вилояти, шу жумладан:	1		1			
мукамал таъмирлаш	1		1			
Сирдарё вилояти «Баркамол авлод» болалар мактаби	1		1			
Тошкент вилояти, шу жумладан:	7		1	2	2	2
янги қурилиш	6		1	2	1	2
Зангиота туманидаги «Баркамол авлод» болалар мактаби	1		1			
Оҳангарон туманидаги «Баркамол авлод» болалар мактаби	1				1	
Тошкент вилояти «Баркамол авлод» болалар мактаби	1			1		
Ўртачирчиқ туманидаги «Баркамол авлод» болалар мактаби	1					1
Чиноз туманидаги «Баркамол авлод» болалар мактаби	1					1
Янгийўл шаҳридаги «Баркамол авлод» болалар мактаби	1			1		
мукамал таъмирлаш	1				1	
Олмалиқ шаҳридаги «Баркамол авлод» болалар мактаби	1				1	
Фарғона вилояти, шу жумладан:	2		1	1		
янги қурилиш	2		1	1		
Фарғона туманидаги «Баркамол авлод» болалар мактаби	1			1		
Фарғона вилояти «Баркамол авлод» болалар мактаби	1		1			
Хоразм вилояти, шу жумладан:	4		1	1	1	1
янги қурилиш	3		1		1	1

Боғот туманидаги «Баркамол авлод» болалар мактаби	1				1	
Хива туманидаги «Баркамол авлод» болалар мактаби	1		1			
Янгиариқ туманидаги «Баркамол авлод» болалар мактаби	1					1
реконструкция	1			1		
Хоразм вилояти «Баркамол авлод» болалар мактабига «Болалар сайёҳлик базаси» қурилиши	1			1		
Тошкент шаҳри, шу жумладан:	4	2	1	1		
янги қурилиш	2		1	1		
Миробод туманидаги «Баркамол авлод» болалар мактаби	1		1			
Сергели туманидаги «Баркамол авлод» болалар мактаби	1			1		
реконструкция	2	2				
Республика «Баркамол авлод» болалар мактабига «Болалар сайёҳлик базаси» қурилиши	1	1				
Шайхонтоҳур туманидаги «Баркамол авлод» болалар мактаби	1	1				

* «Баркамол авлод» болалар мактабларининг манзилли рўйхатига тасдиқланган умумий параметрлар доирасида ишлаб чиқиладиган лойиҳа-смета ҳужжатлари асосида ўзгартиришлар киритилиши мумкин.

Ўзбекистон Республикаси Президентининг 2019 йил 30 сентябрдаги ПҚ-4467-сон қарорига 3-ИЛОВА

2020 — 2023 йилларда янгидан қуриладиган, реконструкция қилинадиган ва мукаммал таъмирланадиган «Болалар кутубхоналари»нинг

АСОСИЙ ПАРАМЕТРЛАРИ

Худудлар номи ва қурилиш ишлари тури	Жами*	Шу жумладан йиллар кесимида			
		2020	2021	2022	2023
Жами, шу жумладан:	12	2	3	3	4
янги қурилиш	6	2	2	1	1
реконструкция	1		1		
мукаммал таъмирлаш	5			2	3
Андижон вилояти, шу жумладан:	1			1	
мукаммал таъмирлаш	1			1	
Андижон вилояти «Болалар кутубхонаси»	1			1	
Бухоро вилояти, шу жумладан:	1		1		
реконструкция	1		1		
Бухоро вилояти «Болалар кутубхонаси»	1		1		
Қашқадарё вилояти, шу жумладан:	1		1		
янги қурилиш	1		1		

Қашқадарё вилояти «Болалар кутубхонаси»	1		1		
Навоий вилояти, шу жумладан:	1				1
мукаммал таъмирлаш	1				1
Навоий вилояти «Болалар кутубхонаси»	1				1
Наманган вилояти, шу жумладан:	1				1
мукаммал таъмирлаш	1				1
Наманган вилояти «Болалар кутубхонаси»	1				1
Самарқанд вилояти, шу жумладан:	1			1	
мукаммал таъмирлаш	1			1	
Самарқанд вилояти «Болалар кутубхонаси»	1			1	
Сурхондарё вилояти, шу жумладан:	1				1
мукаммал таъмирлаш	1				1
Сурхондарё вилояти «Болалар кутубхонаси»	1				1
Сирдарё вилояти, шу жумладан:	1				1
янги қурилиш	1				1
Сирдарё вилояти «Болалар кутубхонаси»	1				1
Тошкент вилояти, шу жумладан:	1	1			
янги қурилиш	1	1			
Тошкент вилояти «Болалар кутубхонаси»	1	1			
Фарғона вилояти, шу жумладан:	1			1	
янги қурилиш	1			1	
Фарғона вилояти «Болалар кутубхонаси»	1			1	
Хоразм вилояти, шу жумладан:	1		1		
янги қурилиш	1		1		
Хоразм вилояти «Болалар кутубхонаси»	1		1		
Тошкент шаҳри, шу жумладан:	1	1			
янги қурилиш	1	1			
Тошкент шаҳар «Болалар кутубхонаси»	1	1			

* «Болалар кутубхоналари»нинг манзили рўйхатига тасдиқланган умумий параметрлар доирасида ишлаб чиқиладиган лойиҳа-смета ҳужжатлари асосида ўзгартиришлар киритилиши мумкин.

Ўзбекистон Республикаси Президентининг 2019 йил 30 сентябрдаги ПҚ-4467-сон қарорига
4-ИЛОВА

**2019 — 2024 йилларда Халқ таълими тизимидаги мактабдан ташқари таълим
tizimini rivojlandirishning maqsadli kursatkichlari**

T/p	Кўрсаткичлар номи	Ўлчов бирлиги	Йиллар кесимида					
			2019	2020	2021	2022	2023	2024
I. Мактабдан ташқари таълим тизимини ташкил қилиш ва бошқаришни такомиллаштириш								
1.	«Баркамол авлод» болалар мактабларини олий маълумотли мутахассислар билан тўлдириш.	фоизда (жами тўғарак рахбарлари сонига нисбатан)	25	30	35	40	45	50

2.	Ўқувчиларни «Баркамол авлод» болалар мактабларига қамраб олиш.	фоизда (жами умумтаълим мактаблардаги ўқувчилар сонига нисбатан)	2,4	4,5	5,7	6,7	8,4	10,5
3.	«Баркамол авлод» болалар мактабларида «STEAM — таълим» (Science — табиий фанлар, Technology — технологиялар, Engineering — муҳандислик, Art — санъат, Mathematics — математика) дастурини амалиётга жорий этиш.	фоизда (жами мактаблар сонига нисбатан)	-	7	20	35	45	50
4.	«Баркамол авлод» болалар мактабларида «Ахборот технологиялари», «Дастурлаш», «Мехатроника» ва «Робототехника» йўналишлари бўйича тўғарак аъзолари сонини ошириш.	иштирок этувчи ўқувчилар фоизда (жами ўқувчилар сонига нисбатан)	12	14	16	18	20	22
II. Ўқувчилар ўртасида китобхонликни тарғиб қилиш ва китоб мутолаасини ривожлантириш								
5.	Умумтаълим мактаблари ўқувчилари ўртасида китоб мутолааси ва китобхонлик маданиятини шакллантириш орқали китобхонлар сонини ошириш.	фоизда (жами умумтаълим мактаблардаги ўқувчилар сонига нисбатан)	12	14	15	16	18	20
6.	«Болалар кутубхоналари» ва мактаб кутубхоналари учун жаҳон ва миллий адабиёти дурдоналарига кирувчи асарларни аудиокитоб шаклини яратиш.	дона	60	80	90	100	110	120
7.	Оилавий китобхонликни тарғиб қилиш, келажакда ёш шоир ва ўқувчиларнинг етук шоғирдларини етиштириш мақсадида турли танловлар ташкил этиш.	тадбирлар сони	2	3	4	5	6	7
III. Мактабдан ташқари таълим муассасаларида ахборот-коммуникация технологияларини кенг жорий этиш, жиҳозлар билан таъминлаш ва давлат-хусусий шерикликни йўлга қўйиш								
8.	Давлат-хусусий шериклик асосида робототехника ва инженерлик тўғараклар улуши.	фоизда (жами тўғараклар	мавжуд эмас	3	5	7	9	10

		сонига нисбатан)						
9.	Хорижий тиллар тўғарақларини ташкил этишда хусусий сектор вакилларининг улуши.	фоизда (жами тўғарақлар сонига нисбатан)	мавжуд эмас	12	14	16	18	20
10.	«Баркамол авлод» болалар мактаблари ва «Болалар кутубхоналари»даги мавжуд хужжатлар, статистик маълумотлар ҳамда ҳисоботларни электрон шаклга келтириш.	фоизда	мавжуд эмас	15	20	35	40	60
11.	«Баркамол авлод» болалар мактабларини кенг полосали Интернет тармоғига улаш.	фоизда (жами мактаблар сонига нисбатан)	5	30	60	85	100	-
12.	«Болалар кутубхоналари»да ва мактаб кутубхоналарида хорижий давлатлар кутубхоналарига саёҳатлар уюштириш ва онлайн китоблар ўқиш имкониятини берувчи виртуал майдонлар ташкил этиш.	фоизда (жами кутубхоналар сонига нисбатан)	мавжуд эмас	2	4	5	6	8
13.	«Баркамол авлод» болалар мактабларида мамлакатимиз ва хорижий давлатлар маданияти, урф одатлари, диққатга сазовор жойлари билан ўқувчиларни яқиндан таништиришга қаратилган онлайн саёҳатларни ўз ичига олган виртуал майдонлар ташкил этиш.	фоизда (жами мактаблар сонига нисбатан)	мавжуд эмас	2	4	5	7	9
14.	«Баркамол авлод» болалар мактабларидаги ўқув дастурлар, ўқув-қўлланмалар ва кўргазмали воситалар учун электрон форматдаги дастурий лойиҳаларни ишлаб чиқиш.	фоизда	мавжуд эмас	20	35	40	50	55
15.	«Баркамол авлод» болалар мактабларида техник ижодиёт йўналиши бўйича онлайн тўғарақлар ташкил этиш.	фоизда (жами мактаблар сонига нисбатан)	мавжуд эмас	5	8	10	12	15
16.	Китоблардан фойдаланиш самарадорлигини ҳисобга	фоизда (жами	мавжуд эмас	2	5	7	9	12

	олиш учун QR-кодлар ёрдамида электрон китоблар тўғрисидаги маълумотларни жойлаштириш ва уларни мобил қурилмаларга юклаб олиш ҳамда ўқиш имкониятини яратиш.	мактаблар сонига нисбатан)						
17.	«Баркамол авлод» болалар мактаблари тўғарак аъзоларининг халқаро миқёсдаги тадбирларда муносиб иштироки улуши.	иштирок этувчи ўқувчилар фоизда (жами ўқувчилар сонига нисбатан)	0,2	0,7	1,2	2,4	3,7	4,5

(Қонун ҳужжатлари маълумотлари миллий базаси, 01.10.2019 й., 07/19/4467/3825-сон, 04.10.2019 й., 06/19/5846/3866-сон)